

U skladu sa Programom rada Federalnog zavoda za zapošljavanje za 2012. godinu i Odlukom Upravnog odbora Federalnog zavoda za zapošljavanje o usvajanju Programa zapošljavanja povratnika u 2012. godini broj: 01/1-14-1392/12 od 18.07.2012. godine (u daljem tekstu: Program), Federalni zavod za zapošljavanje (u daljem tekstu: Zavod) r a s p i s u j e

J A V N I P O Z I V

za učešće u Programu sufinansiranja zapošljavanja „Prilika za sve“

Pozivaju se poslodavci koji su zainteresirani da uz finansijsku podršku zaposle osobe prijavljene na evidenciju službi za zapošljavanje u Federaciji BiH prije objavljivanja Javnog poziva, da se prijave na Javni poziv.

Korisnici po Programu su poslovni subjekti koji imaju registriranu primarnu djelatnost na teritoriji Federaciji Bosne i Hercegovine u sljedećim područjima:

- Poljoprivreda, lov i šumarstvo
- Ribarstvo
- Vađenje ruda i kamena
- Prerađivačka industrija
- Proizvodnja i snabdijevanje/opskrba električnom energijom, gasom/plinom i vodom
- Građevinarstvo
- Trgovina na veliko i trgovina na malo
- Ugostiteljstvo
- Prijevoz, skladištenje i komunikacije
- Poslovanje nekretninama, iznajmljivanje i poslovne djelatnosti
- Ostale javne komunalne, društvene i lične uslužne djelatnosti, i to oblast uklanjanja otpadnih voda, odvoz smeća, sanitarne i slične djelatnosti,

koji redovno izmiruju obaveze po osnovu obaveznih poreza i doprinosa i imaju šest (6) i više zaposlenih.

U Programu ne mogu učestvovati :

- poslovni subjekti koji imaju registriranu primarnu djelatnost u područjima iz tačke 3, a koji su
 - evidentirani zbog rada na crno u 2012. godini,
 - koristili kreditna ili bespovratna sredstva iz poticajnih mjera Zavoda ili kantonalnih službi za zapošljavanje, a nisu ispoštovali obaveze u

skladu sa zaključenim ugovorima, odnosno nisu zaposlili predviđen broj radnika ili ne vraćaju redovno dobivena sredstva,

- institucije koje prijem zaposlenika vrše posredstvom Agencije za državnu službu BiH i Agencije za državnu službu Federacije BiH (organi uprave, agencije, direkcije, ministarstva i dr.),
- javne ustanove,
- banke, mikrokreditne organizacije, štedno-kreditne zadruge, društva za osiguranje, lizing društva, društva za upravljanje investicionim fondovima, društva za upravljanje obaveznim, odnosno dobrovoljnim penzijskim fondovima, brokersko-dilerska društva i druge finansijske organizacije,
- ostali poslodavci koji nemaju registriranu primarnu djelatnost u područjima definiranim Programom.

Ciljne grupe i poticajne mjere

Za Program su osigurana sredstva u iznosu od **8.350.000 KM**.

Programom su utvrđene ciljne grupe nezaposlenih osoba čije se zapošljavanje sufinansira, a za koje se utvrđuju osnovni iznosi poticajnih mjera kako slijedi:

Dob nezaposlene osobe	Kvalifikacija	Period zapošljavanja (mjeseci)	Ukupan iznos sufinansiranja (KM)	
			Muškarci	Žene
do 30 godina	bez kvalifikacije	12	1920,00	2.010,00
	III i IV stepen	12	2.250,00	2.370,00
	VI, VII i VIII stepen	12	2.590,00	2.720,00
od 30 do 40 godina	bez kvalifikacije	12	2.010,00	2.110,00
	III i IV stepen	12	2.370,00	2.490,00
	VI, VII i VIII stepen	12	2.720,00	2.860,00

Dob nezaposlene osobe	Kvalifikacija	Period zapošljavanja (mjeseci)	Ukupan iznos sufinansiranja (KM)	
			Muškarci	Žene
od 40 do 55 godina	bez kvalifikacije	12	2.110,00	2.220,00
	III i IV stepen	12	2.490,00	2.610,00
	VI i VII i VIII stepen	12	2.860,00	3.000,00
preko 55 godina	bez kvalifikacije	12	2.110,00	2.220,00
	III i IV stepen	12	2.610,00	2.740,00
	VI i VII i VIII stepen	12	3.000,00	3.150,00

Osobe iz ciljnih grupa treba da su prijavljene na evidenciju nezaposlenih u Federaciji BiH prije dana objavljivanja Javnog poziva.

Programom se posebna podrška daje sljedećim ciljnim grupa nezaposlenih osoba:

- mladima bez radnog iskustva (SSS, VŠS, VSS)¹ dobi do 30 godina
- ženama bez obzira na obrazovnu strukturu i dob
- demobilisanim borcima sa faktorom otežane zapošljivosti
- nezaposlenim osobama bez obzira na obrazovnu strukturu i dob prijavljene na evidenciju nezaposlenih najmanje 24 mjeseca
- Romima bez obzira na obrazovnu strukturu i dob.

Osnovni iznosi sufinansiranja se kumulativno povećavaju u procentu (%) koji je utvrđen posebnim kriterijima, bez obzira o kojoj je ciljnoj grupi riječ. (Kriteriji se međusobno ne isključuju.)

¹ Pod osobama sa visokom stručnom spremom podrazumijevaju se i osobe sa završenim prvim ciklusom po Bolonjskom procesu.

Posebni kriteriji u smislu Programa kojima se potiče socijalna osjetljivost su:

- dugoročna nezaposlenost, najmanje 24 mjeseca provedeno na evidenciji nezaposlenih (10%),
- zadržavanje sufinansirane osobe u radnom odnosu: 15 mjeseci (10%), 18 mjeseci (15%) i 23 mjeseca (18%), na neodređeno vrijeme (20%),
- status demobilisanog borca (za svaku punu godinu provedenu u oružanim snagama 2,5%),
- status člana šehidske porodice ili porodice poginulog borca (10%),
- mlada osoba bez radnog iskustva dobi do 30 godina (10%),
- pripadnost romskoj nacionalnoj manjini (10%),
- invaliditet:
 - 60-70% (10%)
 - 71-80% (15%)
 - 81-100% (20%)
 - laka i umjerena mentalna retardacija osobe koja je radno sposobna (10%),
- status člana domaćinstva u kojem ni jedan član nije zaposlen (10%),
- status samohranog roditelja, staratelja, hranitelja (5%),
- status roditelja djeteta sa posebnim potrebama (5%),
- status žrtve nasilja: civilna žrtva rata, žrtva nasilja u porodici i dr. (5%),
- status liječenog ovisnika (5%),
- status bivšeg štíćenika doma za nezbrinutu djecu dobi do 30 godina (5%).

Poslodavcu se može odobriti sufinansiranje zapošljavanje osoba sa evidencije nezaposlenih čiji broj ne prelazi 50% ukupno zaposlenih osoba u momentu prijave na Javni poziv.

Osnovni kriteriji za bodovanje zahtjeva za sufinansiranje zapošljavanja

Ocjena zahtjeva za sufinansiranje zapošljavanja vrši se dodjeljivanjem bodova, a na osnovu sljedećih kriterija:

- proizvodna djelatnost
- izvozno orijentirana djelatnost
- (veći) broj osoba koje će poslodavac zaposliti

- broj osoba koje će poslodavac zaposliti na duži period (na 15, 18 ili 23 mjeseca ili na neodređeno vrijeme)
- iznos bruto plaće osobe čije se zapošljavanje sufinansira (veći od zakonski utvrđenog minimuma).

Nakon ocjene zahtjeva utvrđuje se rang lista prema broju ostvarenih bodova, čime se prioritet daje poslodavcima koji namjeravaju zaposliti veći broj osoba, na duži period sa većom plaćom.

Prijava na Javni poziv

Prijave na Javni poziv za učešće u Programu sufinansiranja zapošljavanja „Prilika za sve“, koji je otvoren 15 dana od dana objave, vrši se elektronskim putem popunjavanjem aplikativnog formulara na internet stranici: www.fzzz.ba.

Najbolje rangirani poslodavci će naknadno potrebnu dokumentaciju dostavljati nadležnoj kantonalnoj službi za zapošljavanje radi zaključivanja Ugovora o sufinansiranju zapošljavanja.

Uz odštampan zahtjev- aplikativni formular, koji će potpisati i ovjeriti pečatom, poslodavac kantonalnoj službi za zapošljavanje dostavlja sljedeće dokumente:

- ovjerenu kopiju rješenja iz sudskog registra za obavljanje djelatnosti
- ovjerenu kopiju identifikacijskog broja
- bilans stanja i uspjeha (samo za izvozne firme)
- broj računa u poslovnoj banci na koji će se sredstva doznačiti
- ovjerenu kopiju kartona deponovanih potpisa ovlaštenih osoba
- uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od tri mjeseca
- uvjerenje o broju zaposlenih osoba ne starije od 30 dana
- ovjerenu izjavu:
 - da će osobu čije se zapošljavanje sufinansira zadržati u radnom odnosu u periodu koji je naveden u zahtjevu, o čemu će dostavljati odgovarajući dokaz (potpisane i ovjerene platne liste osoba čije se zapošljavanje sufinansira, kopiju izvoda iz banke iz kojih su vidljive isplate neto plaća za sufinansirane osobe i specifikaciju plaća ovjerenu u Poreznoj upravi Federacije BiH, za svaki mjesec za koji se podnosi dokumentacija, ukoliko su uplatnice zbirne za sve radnike)
 - da po Programu neće zaposliti osobu koju je otpustio u prethodna tri mjeseca.

Ukoliko je poslodavac dostavio potpunu dokumentaciju, kantonalna služba za zapošljavanje ga obavještava da u roku od 15 dana dostavi:

- izjavu osobe koja se zapošljava da je upoznata sa uslovima Programa
- kopiju diplome osobe koja se zapošljava
- dokaz o statusu osobe iz ciljne grupe, ako se koriste posebni kriteriji
- mjeničnu izjavu i bjanko mjenicu za iznos sufinansiranja zapošljavanja do 30.000 KM kao instrument obezbjeđenja radi osiguranja odobrenih sredstava od neopravdanog neizvršenja ugovorenih obaveza poslodavca
- bankovnu garanciju za iznos sufinansiranja zapošljavanja preko 30.000 KM kao instrument obezbjeđenja radi osiguranja odobrenih sredstava od neopravdanog neizvršenja ugovorenih obaveza poslodavca.

Pravdanje i isplata odobrenih sredstava

Nakon potpisivanja ugovora, Zavod, na osnovu Izvještaja kantonalne službe za zapošljavanje o ispunjavanju uslova za isplatu, isplaćuje ugovoreni iznos korisniku sredstava u četiri jednake rate, i to:

- 25% sredstava odmah po potpisivanju ugovora,
- 25% sredstava po proteku tri (3) mjeseca od potpisivanja ugovora, a nakon dostavljanja dokumentacije kojom dokazuje da je izvršio isplatu ugovorene plaće u prethodnom periodu,
- 25% sredstava po proteku šest (6) mjeseci od potpisivanja ugovora, a nakon dostavljanja dokumentacije kojom dokazuje da je izvršio isplatu ugovorene plaće u prethodnom periodu,
- 25% sredstava po proteku devet (9) mjeseci od potpisivanja ugovora, a nakon dostavljanja dokumentacije kojom dokazuje da je izvršio isplatu ugovorene plaće u prethodnom periodu.

Dokumentacijom koju je poslodavac dužan kvartalno dostavljati radi praćenja ispunjavanja uslova za isplatu poštivanja ugovornih obaveza smatraju se:

- potpisane i ovjerene platne liste za plaće osoba čije se zapošljavanje sufinansira,
- uplatnice za pojedinačne isplate plaća, odnosno, u slučaju zbirne uplate plaća, kopije izvoda banke iz kojih je vidljiva isplata pojedinačnih neto plaća za sufinansirane osobe,
- specifikacije plaća ovjerene u Poreznoj upravi Federacije BiH.

Javni poziv se zatvara protekom 15 dana od dana objave.

Kontakt telefon i e-mail: 033/562-900 i info@fzzz.ba.